

佛說觀彌勒菩薩下生經

西晉月氏三藏竺法護譯



南無本師釋迦牟尼佛

說明

本繁體校正版《佛說觀彌勒菩薩下生經》電子書，根據《乾隆大藏經》大乘五大部外重譯經，第 0204 部，西晉月氏三藏竺法護譯《佛說觀彌勒菩薩下生經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年十二月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誡誡曩. 三婆嚩. 禡日囉斛

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

佛說觀彌勒菩薩下生經¹

西晉月氏三藏竺法護譯

聞如是：

一時，佛在舍衛國·祇樹·給孤獨園，與大比丘眾千五百²人俱。

爾時，阿難偏袒³右臂⁴，右膝著地，白世尊⁵言：「如來玄鑒，無事不察，當來、過去、現在三世皆悉明了；過去諸佛姓字、名號，弟子、菩薩、翼從多少，皆悉知之；一劫、百劫、若無數劫，皆悉觀察，亦復知⁶；國王、大臣、人民姓字悉⁷能分別；如今現在國界若干，亦復明了。將來久遠彌勒出現，至真、等正覺，欲聞其變，弟子、翼從，佛境豐樂，為經幾時？」

佛告阿難：「汝還就坐，聽我所說彌勒出現國土豐樂、弟子多少。善思念之，執在心懷。」

是時，阿難從佛受教，即還就坐。

爾時，世尊告阿難曰：「將來久遠於此國界

¹ 大正藏：佛說彌勒下生經

² 大正藏：五百；永樂北藏及龍藏：千五百

³ 大正藏：露

⁴ 大正藏：肩

⁵ 大正藏：佛；永樂北藏及龍藏：世尊

⁶ 大正藏：如是；永樂北藏及龍藏：知

⁷ 大正藏：則

當有城郭，名曰雞⁸頭，東西十二由旬，南北七由旬，土地豐熟，人民熾盛，街巷成行。爾時，城中有龍王名曰水光，夜雨香澤，晝則清和。是時，雞⁹頭城中有羅刹鬼，名曰葉華，所行順法，不違正教，每伺¹⁰人民寢寐之後，除去穢惡諸不淨者；又¹¹以香汁而灑其地，極為香淨。

「阿難，當爾之時¹²，閻浮提¹³地東西南北十¹⁴萬由旬，諸山河石壁皆自消滅，四大海水各據一方¹⁵。時，閻浮地極為平整，如鏡清明。舉閻浮地內穀食豐賤，人民熾盛，多諸珍寶。諸村聚落¹⁶，鷄鳴相接。是時，弊華果樹枯竭，穢惡亦自消滅；其餘甘美果樹、香氣殊好者皆生于地。

「爾時，時氣和適四時順節，人身之中無有百八之患：貪欲、瞋恚、愚癡、不大慇懃。人心均平，皆同一意，相見歡悅，善言相向。言辭一類無有差別，如彼鬱¹⁷單越人而無有異。是時，閻浮地內人民大小皆同一響¹⁸，無有¹⁹若干差別異

⁸ 大正藏：翅

⁹ 大正藏：翅

¹⁰ 大正藏：向

¹¹ 大正藏：常

¹² 大正藏：阿難當知，爾時；永樂北藏及龍藏：阿難，當爾之時

¹³ 大正藏：閻浮；永樂北藏及龍藏：閻浮提

¹⁴ 大正藏：千

¹⁵ 大正藏：減一萬；永樂北藏及龍藏：據一方

¹⁶ 大正藏：諸村落相近；永樂北藏及龍藏：諸村聚落

¹⁷ 大正藏：優

¹⁸ 大正藏：向；永樂北藏及龍藏：響

²⁰也。彼時，男女之類意欲大小便時，地自然開，事訖之後，地復²¹還合。

「爾時，閻浮地內自然生粳米，亦無皮裹，極為香美，食無患苦。所謂金、銀、珍寶、砗磲、碼瑙、真珠、虎珀，各散在地，無人省錄。是時，人民手執此寶，自相謂言：『昔者之人，由此寶故，更相傷害，繫閉在獄，受無數苦惱；如今此寶，與瓦石同流，無人守護。』」

「爾時，法王出現，名曰儻²²佉。正法治化，七寶成就。所謂七寶者，金輪²³寶、象寶、馬寶、珠寶、玉女寶、典兵寶、守藏²⁴寶，是謂七寶。鎮此閻浮地內，不以刀杖自然靡伏。如今，阿難，四珍之藏：乾陀越國伊羅鉢寶藏，多諸珍寶²⁵異物，不可稱計；第二彌提²⁶羅國般網²⁷大藏，亦多珍寶；第三須賴吒大國有大寶藏，亦多珍寶；第四波羅捺國²⁸儻佉²⁹大寶藏，亦多³⁰諸珍寶，不可

¹⁹ 大正藏：無；永樂北藏及龍藏：無有

²⁰ 大正藏：若干之差別；永樂北藏及龍藏：若干差別異

²¹ 大正藏：便

²² 大正藏：壤

²³ 大正藏：輪；永樂北藏及龍藏：金輪

²⁴ 大正藏：守藏之；永樂北藏及龍藏：守藏

²⁵ 大正藏：琦

²⁶ 大正藏：梯

²⁷ 大正藏：網羅；永樂北藏及龍藏：般網

²⁸ 大正藏：婆羅捺；永樂北藏及龍藏：婆羅捺國

²⁹ 大正藏：壤佉有；永樂北藏及龍藏：儻佉

³⁰ 大正藏：多；永樂北藏及龍藏：亦多

稱計。此四大藏自然應現，諸守藏人各來白王：『唯願大王，以此寶藏之物惠施貧窮。』爾時，儻³¹佉大王得此寶已，亦復不省錄之，竟³²無財物³³之想。時，閻浮地內，自然樹上生衣，極細柔軟，人取著之，如今鬱³⁴單越人自然樹上生衣，而無有異。

「爾時，彼王有大臣，名曰修梵摩，是王少小同好，王甚愛敬；又且顏貌端正，不長不短，不肥不瘦，不白不黑，不老不少。是時，修梵摩有妻，名梵摩越，玉³⁵女中最極³⁶殊妙，如天帝妃，口作優鉢羅³⁷華香，身作栴檀香；諸婦人八十四態永無復有，亦無疾病亂想之念。

「爾時，彌勒菩薩於兜率天，觀察父母不老不少，便降神下應，從右脇生，如我今日右脇生無異，彌勒菩薩亦復如是。兜率諸天各各唱令：『彌勒菩薩已降神生。』」

「是時，修梵摩即與子立字，名曰彌勒。彌勒菩薩有三十二相、八十種好莊嚴其身，身黃金

³¹ 大正藏：壤

³² 大正藏：意

³³ 大正藏：寶

³⁴ 大正藏：優

³⁵ 大正藏：玉

³⁶ 大正藏：最極為；永樂北藏及龍藏：最極

³⁷ 大正藏：蓮

色。爾時，人壽極長，無有諸患，皆壽八萬四千歲。女人五百³⁸歲，然後出適。

「爾時，彌勒在家未經幾時，便當出家學道。爾時，去雞³⁹頭城不遠有道樹，名曰龍華，高一由旬，廣五百步。時，彌勒菩薩坐彼樹下成無上道果。

「當其夜半彌勒出家，即其夜分⁴⁰成無上道。應時⁴¹三千大千刹土六反⁴²震動，地神各各⁴³相告曰：『今⁴⁴彌勒已成佛道⁴⁵。』其聲轉至⁴⁶聞四天王宮：『彌勒已成佛道。』轉聞徹於⁴⁷三十三天、忉摩⁴⁸天、兜率陀⁴⁹天、化樂⁵⁰天、他化化⁵¹自在天，乃至⁵²梵天：『彌勒已成佛道。』

「爾時，魔王名曰大將，以法治化。聞如來名音響之聲，歡喜踊躍，不能自勝，七日七夜不眠不寐。是時，魔王將欲界無數人天⁵³至彌勒佛

³⁸ 大正藏：年五百；永樂北藏及龍藏：五百

³⁹ 大正藏：翅

⁴⁰ 大正藏：即於其夜；永樂北藏及龍藏：即其夜分

⁴¹ 大正藏：時；永樂北藏及龍藏：應時

⁴² 大正藏：返

⁴³ 大正藏：各各而；永樂北藏及龍藏：各各

⁴⁴ 大正藏：今時；永樂北藏及龍藏：今

⁴⁵ 大正藏：佛；永樂北藏及龍藏：佛道

⁴⁶ 大正藏：轉至；永樂北藏及龍藏：其聲轉至

⁴⁷ 大正藏：轉轉聞徹；永樂北藏及龍藏：轉聞徹於

⁴⁸ 大正藏：豔；永樂北藏及龍藏：忉摩

⁴⁹ 大正藏：兜率；永樂北藏及龍藏：兜率陀

⁵⁰ 大正藏：自在；永樂北藏及龍藏：樂

⁵¹ 大正藏：他化；永樂北藏及龍藏：他化化

⁵² 大正藏：聲聞展轉至；永樂北藏及龍藏：乃至

⁵³ 大正藏：天人；永樂北藏及龍藏：人天

所，恭敬禮拜。

「彌勒聖尊與諸人天⁵⁴漸漸說法微妙之論，所謂論者，施論、戒論、生天之論，欲不淨想，出要為妙。爾時，彌勒見諸人民已發心歡喜，諸佛世尊常所說法，苦、集⁵⁵、盡、道，與⁵⁶諸天人廣分別其義。爾時，座上八萬四千天子，諸塵垢盡，得法眼淨。

「爾時，大將魔王告彼界人民之類曰：『汝等速出家。所以然者？彌勒今日已度彼岸，亦當度汝等使至彼岸。』

「爾時，雞⁵⁷頭城中有一⁵⁸長者，名曰善財，聞魔王教令，又聞佛音響，將八萬四千眾至彌勒佛所，頭面禮足，在一面坐。

「爾時，彌勒漸為⁵⁹說法微妙之論，所謂論者，施論、戒論、生天之論，欲不淨想，出要為妙。爾時，彌勒見諸人民心開意解，如諸佛世尊常所說法，苦、集⁶⁰、盡、道，為諸天人⁶¹廣分別其義⁶²。爾時，座上八萬四千人諸塵垢盡，得法

⁵⁴ 大正藏：天人；永樂北藏及龍藏：人天

⁵⁵ 大正藏：習

⁵⁶ 大正藏：盡與；永樂北藏及龍藏：與

⁵⁷ 大正藏：翅

⁵⁸ 大正藏：有；永樂北藏及龍藏：有一

⁵⁹ 大正藏：與

⁶⁰ 大正藏：習

⁶¹ 大正藏：與諸人民；永樂北藏及龍藏：為諸天人

⁶² 大正藏：義；永樂北藏及龍藏：其義

眼淨。是時，善財與八萬四千人等即前白佛，求索出家，善修梵行，盡成羅漢道果⁶³。

「爾時，彌勒初會，八萬四千人得阿羅漢。

「是時，僂⁶⁴佉王聞彌勒已成佛道，便往至佛所，欲得聞法。時，彌勒佛與王說法，初善、中善、後⁶⁵善，義理深邃。爾時，大王復於異時立太子為王，賜剃頭師珍寶，復以雜寶與諸梵志，將八萬四千眾往至佛所，求作沙門，盡成道果，得阿羅漢。

「是時，修梵摩大長者聞彌勒已成佛道，將八萬四千梵志之眾往至佛所求作沙門，得羅漢果⁶⁶，唯修梵摩一人斷三結使必盡苦際。

「是時，佛母梵摩越復將八萬四千婇女之眾往至佛所，求作沙門。爾時，諸女⁶⁷盡得羅漢⁶⁸，唯有梵摩越一人斷三結使成須陀洹。

「爾時，諸刹利婦聞彌勒如來出現世間成正覺，數千萬眾往至佛所，頭面禮足，在一面坐，各各生心求作沙門，出家學道，或有越次取證，或有不取證者。

⁶³ 大正藏：阿羅漢道；永樂北藏及龍藏：羅漢道果

⁶⁴ 大正藏：僂

⁶⁵ 大正藏：竟

⁶⁶ 大正藏：阿羅漢；永樂北藏及龍藏：羅漢果

⁶⁷ 大正藏：女人；永樂北藏及龍藏：女

⁶⁸ 大正藏：阿羅漢；永樂北藏及龍藏：羅漢

「爾時，阿難，其不越次取證者盡是奉法之人，厭患⁶⁹一切世間不可⁷⁰樂想。

「爾時，彌勒當說三乘教⁷¹，如我今也⁷²。弟子之中大迦葉者行十二頭陀，過去諸佛所善修梵行，此人當佐彌勒佛⁷³，勸化人民。」

爾時，迦葉去如來不遠結加趺坐，正身正意繫念在前。

爾時，世尊告迦葉曰：「吾今年已衰耗向八十餘。然今如來有四大聲聞堪任遊化，智慧無盡，眾德具足。云何為四？所謂大迦葉比丘、君屠⁷⁴鉢歎比丘、賓頭盧比丘、羅云比丘。汝等四大聲聞要不般涅槃，須吾法沒盡，然後乃當般涅槃。大迦葉亦不應般涅槃，須待⁷⁵彌勒出現世間。所以然者，彌勒所化弟子盡是釋迦文佛⁷⁶弟子，由我遺化得盡有漏。

「摩竭國界毗提村中，大迦葉於彼山中住。又彌勒如來將無數千人⁷⁷，前後圍繞往至此山中，遂蒙佛恩，諸鬼神當與開門，使得見迦葉禪窟。

⁶⁹ 大正藏：患厭；永樂北藏及龍藏：厭患

⁷⁰ 大正藏：世間，修不可；永樂北藏及龍藏：世間不可

⁷¹ 大正藏：之教；永樂北藏及龍藏：教

⁷² 大正藏：日

⁷³ 大正藏：彌勒；永樂北藏及龍藏：彌勒佛

⁷⁴ 大正藏：屠；永樂北藏及龍藏：君屠

⁷⁵ 大正藏：要須；永樂北藏及龍藏：須待

⁷⁶ 大正藏：釋迦文；永樂北藏及龍藏：釋迦文佛

⁷⁷ 大正藏：千人眾；永樂北藏及龍藏：千人

是時，彌勒伸右手指示迦葉，告諸人民：『過去久遠釋迦文佛弟子名曰迦葉，今日現在，頭陀苦行最為第一。』是時，諸人見是事已，歎未曾有，無數百千眾生諸塵垢盡，得法眼淨。或⁷⁸有眾生見迦葉身已，此名為最初之會，九十六億人皆得阿羅漢，斯等之人皆是我弟子。所以然者？悉由受我教⁷⁹訓之所致也，亦由四事因緣：惠施、仁愛、利人、等利。

「阿難，爾時⁸⁰，彌勒如來當取迦葉僧伽梨著之。是時，迦葉身體奄然星散。是時，彌勒復取種種華香供養迦葉。所以然者？諸佛世尊有敬心於正法故。彌勒亦由我所受正法化，得成無上正真之道。

「阿難當知，彌勒佛第二會時，有九十四億人，皆得⁸¹阿羅漢，亦復是我遺教弟子，行四事供養之所致也。

「又彌勒第三之會，九十二億人得⁸²阿羅漢，亦復是我遺教弟子。

「爾時，比丘姓號皆曰⁸³慈氏，弟子如我今

⁷⁸ 大正藏：或復；永樂北藏及龍藏：或

⁷⁹ 大正藏：我；永樂北藏及龍藏：我教

⁸⁰ 大正藏：爾時，阿難；永樂北藏及龍藏：阿難，爾時

⁸¹ 大正藏：是

⁸² 大正藏：皆是；永樂北藏及龍藏：得

⁸³ 大正藏：名

日諸聲聞，皆稱釋迦弟子。

「爾時，彌勒為⁸⁴諸弟子說法：『汝等比丘，當思惟無常之想、樂有苦想、計我無我想、實有空想、色變之想、青瘀之想、臃脹之想、食不消想、膿血想、一切世間不可樂想。所以然者？比丘當知，此十想者皆是過去釋迦文佛為⁸⁵汝等說，令得盡有漏、心得解脫。若此眾中釋迦文佛弟子，過去之時⁸⁶修於梵行，來至我所；或於釋迦文佛所，奉持其法，來至我所⁸⁷；或復於釋迦文佛所，供養三寶，來至我所；或於釋迦文佛所彈指之頃修於善本，來至此間；或於釋迦文佛所行四等心，來至此者；或於釋迦文佛所受持五戒、三自歸法，來至我所；或於釋迦文佛所起立⁸⁸寺廟，來至我所；或於釋迦文佛所補治故寺，來至我所；或於釋迦文佛所受八關齋法，來至我所；或於釋迦文佛所香華供養，來至此者；或復於彼聞法悲泣墮淚，來至我所；或復於釋迦文佛所專心聽⁸⁹法，來至我所；或復盡形壽善持禁戒⁹⁰，來至我所；

⁸⁴ 大正藏：與

⁸⁵ 大正藏：與

⁸⁶ 大正藏：時；永樂北藏及龍藏：之時

⁸⁷ “或於釋迦文佛所，奉持其法，來至我所”句，大正藏無。

⁸⁸ 大正藏：神

⁸⁹ 大正藏：專意聽受；永樂北藏及龍藏：專心聽

⁹⁰ 大正藏：善修梵行；永樂北藏及龍藏：善持禁戒

或復盡形壽善持梵行來至我所，或復有書讀諷誦⁹¹，來至我所；或復承事供養，來至我所者。』

「爾⁹²時，彌勒便說此偈言⁹³：

增益戒聞德 禪及思惟業
善修於梵行 而來至我所
勸施發歡心 修行心原本
意無若干想 皆來至我所
欲⁹⁴發平等心 承事於諸佛
飯食⁹⁵於聖眾 皆來至我所
所⁹⁶誦戒契經 善習與人說
然熾⁹⁷於法本 今來至我所
釋種善能化 供養諸舍利
承事法供養 今來至我所
若有書寫經 頒⁹⁸宣於素上
其有供養者⁹⁹ 皆來至我所
繒綵及諸物 供養於塔等¹⁰⁰
自稱南無佛 皆來至我所

⁹¹ 大正藏：書寫讀誦；永樂北藏及龍藏：書讀諷誦

⁹² 大正藏：是

⁹³ 大正藏：此偈；永樂北藏及龍藏：偈言

⁹⁴ 大正藏：或

⁹⁵ 大正藏：飴

⁹⁶ 大正藏：或

⁹⁷ 大正藏：熾然；永樂北藏及龍藏：然熾

⁹⁸ 大正藏：班

⁹⁹ 大正藏：經

¹⁰⁰ 大正藏：神寺；永樂北藏及龍藏：閻浮提

供養於現在 諸佛過去者
禪定正平等 亦無有增減
是故於佛法 承事於聖眾
專心事三寶 必至無為處

「阿難當知，彌勒如來在彼眾中當說此偈。
爾時，彼眾中諸天人民思惟此十想，十一垓人諸
塵垢盡，得法眼淨。彌勒如來千歲之中，眾僧無
有瑕穢。爾時，恒以一偈已¹⁰¹為禁戒：

口意不行惡 身亦無所犯
當除此三行 速脫生死關

「過千歲後，當有犯戒之人，遂復立戒。

「彌勒如來當壽八萬四千歲。般涅槃後，遺
法當存¹⁰²八萬四千歲。所以然者，爾時眾生皆是
利根。

「其有善男子、善女人，欲得見彌勒佛及三
會聲聞眾及雞¹⁰³頭城及見儻¹⁰⁴佉王并四大藏珍寶
者，欲食自然粳米者，并著自然衣裳、身壞命終
生天上者，彼善男子、善女人，當勤加精進，無
得¹⁰⁵懈怠；亦當供養承事諸法師，名華搗香種種

¹⁰¹ 大正藏：以

¹⁰² 大正藏：在

¹⁰³ 大正藏：翅

¹⁰⁴ 大正藏：壤

¹⁰⁵ 大正藏：生

供養，無令有失。如是，阿難，當作是學。」

爾時，阿難及諸大會，聞佛所說，歡喜奉行。

佛說觀彌勒菩薩下生經¹⁰⁶

¹⁰⁶ 大正藏：佛說彌勒下生經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無當來下生彌勒佛 (合掌三稱)

南無護法諸天菩薩 (合掌三稱)

禮佛發願文

(一編)

歸命十方調御師 演揚清淨微妙法

三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 普及於一切
我等與眾生 皆共成佛道

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；
自皈依僧，當願眾生，統理大眾，一切無礙。和南聖眾。

南无护法韦驮尊天菩萨



此咒置經書中可滅誤跨之罪